

920755070

SELLEVOLL KULTUR OG LANDSKAPSPLEIE

Mobilnummer

917 31 491

E-postadresse

claus.sellevoll@gmail.com

Kontonummer **** * 87631

Vedtaksdato

07.11.2019

Vedtaket er gjort av

Lindås kommune

Søknadsdato

30.10.2019

Vår ref.

2019/2993, Agros 121804

Vedtak om tilskot til spesielle miljøtiltak i jordbruket – «Å, EG VEIT MEG EI VEIT»

Samandrag: Lindås kommune har vedtatt å innvilge opptil 15 000 kroner i tilskot til SELLEVOLL KULTUR OG LANDSKAPSPLEIE til «Å, EG VEIT MEG EI VEIT». Frist for å gjennomføre tiltaket og rapportere er 07.11.2022.

Lindås kommune viser til søknad av 30.10.2019.

Bakgrunn i saka

SELLEVOLL KULTUR OG LANDSKAPSPLEIE søkte om tilskot til spesielle miljøtiltak i jordbruket 30.10.2019. Du søker om totalt 15 000 kroner i tilskot for tiltak perioden 31.10.2019-10.11.2019. Totalt kostnadsoverslag for tiltaket har du utrekna til 90 625 kroner.

Søker har gjennom arbeidet med kisteveitarbeidet, notert seg ei stor interesse for prosjektet, både frå media og frå privatpersonar. På denne bakgrunnen ynskjer dei å laga ein film som kan gje auka kunnskap i allmenta om denne forma for veiter og om byggemåten reint teknisk.

Dei tenkjer at bruk av kisteveit også i dag kan vera eit alternativ til andre meir «moderne» former for drenering, og at prosjektet med det òg har relevans for eit moderne landbruk. Arbeidet går føre seg i Lindås kommune, men dei reknar med at bruk av kisteveiter har relevans også sett i større regional samanheng.

Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskrifta) § 1.

Ein kan innvilge tilskot til føretak der det går føre seg ein produksjon med rett til tilskot på eigedommen, og som oppfyller vilkåra i forskrift av 19. desember 2014 nr. 1817 om produksjonstilskudd og avløsertilskudd i jordbruket § 2, og § 3 eller § 4.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Viser til søknad om om tilskot til prosjektet "Å, eg veit meg ei veit"

Kommunen er glad for at de ser at det er viktig å ta vare på kisteveita og formidla kvifor og korleis ein kan gjera dette. Som de peikar på finst det kisteveiter på dei fleste gardsbruk i Nordhordland og det kan difor ha relevans for mange bønder å få slik kunnskap. I ei tid med aukande nedbør og ekstremver er god drenering ein del av dei viktigaste tinga landbruket kan gjera for å bu seg mot klimaendringar.

Lindås kommune har vedtatt å innvilge opptil 15 000 kroner i tilskot.

Vilkår for tilskotet

Frist for å gjennomføre tiltaket og rapportere er 07.11.2022. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og bygningslova, kulturminnelova, naturmangfaldlova, vassressurslova eller forureiningsforskrifta.

- Løyvd tilskot kan trekkjast attende heilt eller delvis dersom det oppstår tilhøve som er i strid med føresetnadane for ordninga jfr § 10 i forskrifta om spesielle miljøtiltak i jordbruket.

-Ein føresetnad er at Alver kommune kan nytta filmen i kunnskapsformidling.

Rapportering og utbetaling

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet.

Sluttrapporteringa bør innehalde:

- ei skildring av resultatet av tiltaket og korleis det er gjennomført, og skildring av eventuelle avvik frå det som blei opplyst i søknaden og krav i dette vedtaksbrevet. Bilete kan vere viktig dokumentasjon.
- rekneskap for tiltaket, inkludert inntekter og utgifter. Opplysningar om medfinansiering frå andre kjelder skal med. Rekneskapen må bli ført slik at det kan bli samanlikna med det kostnadsoverslaget og den finansieringsplanen som låg til grunn for søknaden.

Lindås kommune betaler ut det innvilga tilskotet etter at du, elektronisk eller skriftleg, har bede om det, og når vi har godkjent rapport og sluttrekneskapen for prosjektet eller tiltaket. Lindås kommune kan også betale ut tilskot på bakgrunn av godkjend dokumentasjon etter kvart som du utfører delar av prosjektet eller tiltaket. Vi vil halde att minst 25 prosent av tilskotet til arbeidet er fullført og sluttrekneskapen er godkjent av oss.

Godkjent kostnadsoverslag for tiltaket er 75 000 kroner. Utbetalt tilskot kan ikkje overstige 20 % av godkjente kostnader for å utføre tiltaket. Dersom kostnader for å utføre tiltaket er lågare enn godkjent kostnadsoverslag kan tilskotsbeløpet bli justert ned.

Kontroll

Kommunen, fylkesmannen og Landbruksdirektoratet kan gjere kontroll etter SMIL-forskrifta § 9.

Omgjering, tilbakebetaling og motrekning

Vedtak om innvilga tilskot kan bli gjort om og utbetalt tilskot kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresettt ved innvilging av tilskotet.

Klagerett

Du kan klage på dette vedtaket til Fylkesmannen i Vestland - Hordaland. Send klaga til Lindås kommune. Vi vil sende saka vidare til Fylkesmannen i Vestland - Hordaland dersom vi ikkje gjer om på vedtaket. Klagefristen er tre veker etter at du har motteke dette brevet. Du kan òg be om å få sjå dokumenta i saka, jf. forvaltningslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om Spesielle miljøtiltak i jordbruket.

Med helsing
for Lindås kommune

Saksbehandla av: Maya Riise

Godkjent av: Kjartan Nyhammer